

'Tugas kali ini 3 kali lebih berat'

Dr Mahathir akui ambil alih negara dalam keadaan pentadbiran 'kotor', rasuah

Kuala Lumpur: Tun Dr Mahathir Mohamad menyifatkan tanggungjawabnya sebagai Perdana Menteri (PM) pada masa ini sebagai tiga kali lebih berat berbanding ketika melaksanakan tanggungjawab itu sebelum ini.

Dr Mahathir, PM keempat Malaysia pada 1981 hingga 2003, menjelaskan, ketika mengambil alih pentadbiran negara pada masa itu, pentadbiran dan kewangan negara dalam keadaan yang bersih dan teratur, tanpa soal kewangan menjadi masalah.

Negarawan berusia 94 itu yang sekali lagi dilantik sebagai PM selepas Pakatan Harapan (PH) memenangi Pilihan Raya Umum Ke-14 pada Mei 2018, menyifatkan beliau mengambil alih pemerintahan kali ini dalam keadaan pentadbiran yang 'kotor' serta diburukkan lagi dengan rasuah yang terbabit dengan rasuah.

"Kita juga perlu bayar hutang yang dibuat oleh pemerintah terdahulu, sepatutnya (kini) kita dapat guna wang ini kalau ia (betul) dilabur tetapi wang ini hilang.

"Jadi kita terpaksa bayar hutang tetapi sumber asal dana kita sudah hilang. Jadi ini menjadi satu masalah yang berat untuk kita.

"(Kali ini) Tiga kali lebih berat lagipun usia saya telah lanjut dan saya perlu kerja seberapa kuat yang boleh kerana saya janji saya akan letak jawatan. Jadi saya pu-



Dr Mahathir ketika bertakbir sebelum menunaikan solat sunat Aidiladha di Masjid Negara, semalam.

[Foto BERNAMA]

nya masa mungkin tiga tahun, mungkin dua tahun.

"Dalam masa itu, saya perlu habiskan kerja yang memerlukan lapan tahun, (ke) 10 tahun, saya kena berlari lebih cepat," katanya dalam satu wawancara bertajuk *Mahathir Bicara Ulama dan Jokowi: Catatan Najwa* bersama personaliti media Indonesia Najwa Shihab, yang dimuat naik menerusi media sosial YouTube.

Dr Mahathir mencipta sejarah menjadi PM tertua di dunia dengan kembali ke Putrajaya setelah PH yang diterajunya berjaya menewaskan Barisan Nasional (BN), yang sudah 60 tahun menjadi kerajaan Malaysia.

"(Kali ini) Tiga kali lebih berat lagipun usia saya telah lanjut dan saya perlu kerja seberapa kuat yang boleh kerana saya janji saya akan letak jawatan. Jadi saya punya masa mungkin tiga tahun, mungkin dua tahun.

Dr Mahathir Mohamad, Perdana Menteri

Dalam wawancara itu, beliau diajukan pelbagai soalan yang merangkumi isu pendidikan agama, politik, hal ehwal antarabangsa dan hubungan Malaysia-Indonesia serta berkenaan kehidupan peribadinya.

Mengenai isu peralihan kuasa kepada Datuk Seri Anwar Ibrahim dan bagaimana beliau melihat peranannya, terutama dalam hal pentadbiran negara, Dr Mahathir berkata, Anwar mempunyai hak untuk mencorak dasarnya sendiri dan beliau terbuka untuk memberi nasihat dan pendapat sekiranya diperlukan.

"Dia (Anwar) akan jadi PM terpulung kepada beliau untuk me-

entukan dasar-dasar dia pula.

Kalau saya ditanya, mungkin saya boleh beri nasihat, pendapat dan sebagainya.

"Kalau saya ditanya, tetapi saya tidak paksa sesiapa bertanya kepada saya," katanya.

Ditanya pandangannya tentang Presiden Indonesia Joko Widodo, yang lebih dikenali sebagai Jokowi, Dr Mahathir menyifatkan beliau sebagai seorang pemimpin yang membawa pemikiran baharu.

"Presiden Jokowi sedar mengenai keperluan membangunkan Indonesia dan dia memerhatikan tentang bukan sahaja politik tetapi juga pertumbuhan ekonomi," katanya. **BERNAMA**